

**Nwa wù kingane kifεε wù Bol gè san
fε
Timoti
le
Fiεε fi le a Nwa wu Timoti wù
kingane kinfεε wunε le**

A nwa wunε le baan, le nyume nteefe yi Bol nya Timoti le nje muh wù be wu lene wu fiih wu. Wu jeme baan kune shén yi kanε. Wu teefe Timoti no wu gēene fwe be leme che chí wu lene fε Jiso Kletu le be fitefe fimimia, be no wu jije n'ye ye wù kooji wù le wu saaka wù jone be wu mankan mà kege. Wu teede te no wu lé wu gēe leme che nje muh wu n'ye ye be muh wù jienyi wu feeji je yi Nyo chuule mo no wu ye ne banje neε, ke ne bamii teenyi be wu neε.

Bol le wu jemε Timoti le chuule ε wu yēne keefe wu já wu lêese kibo fε bambeje ba kiyun be ba achiji le gε (2:23). Yi mwεε munε le munchii le wu tane Timoti ε wu jó mbeje yi nche we le.

Bikwεε bi mwεε mù le a Nwa wunε le

1:1-2 Fεηkεε

1:3-2:13 Bol nya kiyone Nyo le kune Timoti wu ka yufe fitefe fie

2:14-4:5 Bol teefe Timoti

4:6-18 Bol jemε kune kikwεε ke

4:19-22 Kimεε

¹ Le mε wù Bol, nle mwa ntun wu Kletu Jiso yi ηkon wu Nyo le. Fi fine bii ηka wù kune kinche kí

kage gɛ kɪ le yi Kletu Jiso le.

² Nsaŋe ŋwa wunɛ fɛ wo le Timoti mwa yaŋ. Wo le fitele fian.

Nyo wù Chii bɛ Kletu Jiso wu Tada wese besabɛŋ bo dunyɛ fitele fi jonɛ fɛ wo le, bo koo yii fɛ wo le, bo nya wo bɛ nyiɛgee.

Bol nya kiyone Nyo le kune Timoti wu ka wu yufɛ fitele fie

³ Segechii nto ŋkwaji wo antaŋ bɛ fɛnshe a buunɛ chaŋ le nyaa gɛh nyu kiyone Nyo wù nlɛne wu le, fiɛɛ sage gɛ mɛ fɛ fitele le gɛ, gɛh no bachii gɛ lɛne.

⁴ Nto ŋkwaji tɛ ajoo a wo gɛ shiishi sege besa wo gɛ gase, jɛŋ tu yi yuu mɛ antaŋ bɛ fɛnshe lɛ mbee n'yɛŋ wo le, wu lɛ fitele fian yiɛ bɛ njoŋ.

⁵ Nto ŋkwaji tɛ mbɛmɛ wo wù nchiɛɛŋ wù wo kɛme. Mbɛmɛ wunɛ gɛ ya kɛme bwee bwoo wù Loy bɛ bwoo wù Yuni, ŋkee lo gɛ mɛ maŋe gɛ, lɛ le wu wù wo kɛme mɛɛɛɛ.

⁶ Le fiɛɛ fi ŋgoone ki ntâne wo lɛ wo kâase wo kâŋsɛ yi nya yi Nyo yɪ le ye yo le, wo flee nje ŋgu. Nnya yinɛ le yɪ wo gɛ kɛmɛ sege ŋgɛ ŋgɛlɛ chiaaŋ yaŋ yi wo le.

⁷ Ŋkee lɛ Nyo gɛ baan nya gɛ kiyo besabɛŋ le lɛ ki gɛɛ besabɛŋ kɛme nfaaŋ gɛ. Wu gɛ nya nyume kiyo ki bvunɔa bɛ ki kinɔŋɛ mo kɪ taŋlo ki gɛ lɛ besabɛŋ kɛɛ ki bee shêe bɛ bikwɛɛ biɛsa besabɛŋ.

⁸ Noo, keefɛ wo kɛme bvuya ki wo jême bamii bamu le kune Tada wese besabɛŋ kɛnɛ kune mɛ wù nlɛne ncha nje wu gɛ. Geenɛ wo jôde tɛ wo ŋgɛ yi saaka wù jonɛ wunɛ le bɛ bvunɔa bvù Nyo nya wo le.

⁹ Le Nyo wu gè bvuse besabɛɲ, wu tɛɛɲ besabɛɲ le besabɛɲ chɛɛ kinche ki bamii ba le be. Gɛ wu gè ge finɛ fiɛɛ nyume nje lɛme chimi chɪ besabɛɲ gè ge gɛ. Gè bee nje nseese we fɛ besabɛɲ le, bɛ fitele fi jonɛ fi wu gè kɛme fɛ besabɛɲ le fede yi Kletu Jiso le, baan lo fɛ won kɛ.

¹⁰ Mɛɛse Nyo le wu dunyɛ wa fitele fi jonɛ fiyu fɛ besabɛɲ le no Mbvuse wese besabɛɲ wu Kletu Jiso le wu to wa. Wu le wu ngodɛ bvunga bvɛ kwe, wu dunyɛ kinche waan, le gɛ muh baan wu ka wu kwe gɛ. Wu le wu ge fi bu andanandan bɛ saaka wu jonɛ.

¹¹ Le saaka wu jonɛ wuyu wunɛ wu Nyo le wu baa mɛ le nyɔme muh wu nfeje bɛ mwa ntun wu Kletu mo muh wu n'yeyɛ wuyu.

¹² Le nje finɛ fi n'yɛne nge wu n'yɛne wunɛ nɛ. Geenɛ gɛ nkɛme bvuya gɛ, nje nkee muh wu nlese fitele yi ye ye le. Nkee lo, kimanɛ sɛɲ le wu tanlo wu jiɲɛ fɛ fiɛɛ fi nle nya chiaaɲ ye le finɛ* gɛɛɲ bu juu chɪ kimɛɛɛ.

¹³ Wo bii gɛh bwɛɲ wu n'yeyɛ wu kooji wu ngè n'yeyɛ wo yu. No wo bii yu noo wo lêese gɛh fitele nyume yi Kletu le, wo kɛme tɛ kinɲonɛ fɛ bamii le, fichii nyɔme a je yi bamii ba le ba Kletu Jiso le.

¹⁴ Wo jiɲɛ n'yeyɛ wu nchiɛɛɲ wu ba gè nya chiaaɲ yo le. Wo jiɲɛ bɛ bvunga bvɛ Kiyo ki Yuude ki le ye yese besabɛɲ le.

¹⁵ Wo kee lo le bamii bachii ba kimbe kɪ ɛsia le gè nonɲ wa mɛ. Ngoo yiboo le Figelu bɛ Hemogene.

¹⁶ Nlɛge le Tada koo yii fɛ yeh yi Onesifolu le. Wu to wu gee chikɛ le chikɛ le shɛɲ yan jiɛɛ. Wu gè baan kɛme gɛ bvuya nje ncha wu nle wu le gɛ.

* **1:12** Kɛnɛ le, “Wu tanlo wu jiɲɛ fɛ fiɛɛ fi wu le wu nya chiaaɲ yan le finɛ”,

¹⁷ Sege wu gè fεεε Lum yanε, wu gè boεε shén ki wu góon mε, gέen bu fε wu yêη mεne.

¹⁸ Mbuune le Tada ge doo nyume juu chi kimεεε, Tada kóo yii fε wu le. Wo kee lo chuule lεme chichii chí wu gè len fε mεne a kilaanten kí Efesu le.

2

No tanlo Timoti jûu yi fiεε fi Nyo le

¹ Timoti mwa yan, ndoo ntu fε wo le, wo lεme gεh wo tεeme bii fitele fi jonε fi Kletu Jiso dunyε fε bamii ba taashe bε wu le.

² Wo jóde fiεε fi wo to wo yuge njεme a bamii fwe wesee wo lêese chiaan yi bamii ba chaan le bo nyu bo kojε ki tanlo bo yéyi bamii bamu yu.

³ Wo jóde tε wo nγε nje muh jεη wù kooji wu Kletu Jiso.

⁴ Sege muh wu jεη le yi lεme che le gε wu ka leese kikwεε fε mwεε mu bamii ba le gε bamii ba jεη le gε, nje fiεε fi wu jiine yi fi le, le ki wù gée fiεε fi chiji kikwεε ke goone.

⁵ Le gεh yεnyεen no gε muh wù lege kinlegε tanlo wu legε wu so fiεε, nje wu lege wu bii banchi ba kinlegε le sεη gε.

⁶ Muh wu mwε wù lεne tε chuule le wu kême ki wu yá wu mōη fiεε antenεε a mwεε mù wu gè bonε.

⁷ Wo kwâji kune mwεε mù njεme munε Tada lé wu gε wo kêε mu munchii.

⁸ Wo kwâji kune Jiso Kletu wù gè bu yi kwe le. Wu gè bee muh wu a kfuu chi Nfon Dabi le. Le fi fi nfeeji a saaka wan wù jonε le.

⁹ Le nje saaka wù jonε wunε wù n'yεne nγε yu, mε nyume yi bancha le nje muh wù ngode nchi.

Geene, mo no nle yi bancha le noo, ge je yi Nyo nyume yi bancha le ge.

¹⁰ No fi le noo, me mo ntu nkaane shen yi fee le fichii nje bamii ba Nyo le wu cha, wu le bo te ge bo keme mbvuse fede yi Kletu Jiso le be bvukuge bvù kage ge.

¹¹ Njeme wune le nchienn, wu le le:
Ne besabenn le be taashe be kwe besa wu,
besabenn chée te besa wu.

¹² Ne besabenn kaane shen,
besabenn tô be sâge bvunfon besa wu.
Ne besabenn fan lo wu,
wu to wu fan te besabenn.

¹³ Ne besabenn le nje bee leme be teme sen,
wu me geh wu leme wu teme,
nje ge tanlo wu fan kikwee ke ge.

Muh wu leme wu Nyo le wu beenn

¹⁴ Wo ntane bo be mwee mune, wo ka wo jeme a Nyo fwe le bo lu be kinteenye ki je. Ge mu fii muh ge. Mu chene geh lo be bamii ba yege mu le.

¹⁵ Wo mone chuule ki wo dunyi kikwee kun a Nyo jii nje muh wu Nyo yene le le wu kooji. Wo nyume muh wu leme wu keme ge fee fi bvuya kôode wu yi fi le ge, be wu jiji kinchienn ki je yi Nyo le a je yi kooji le.

¹⁶ Wo wene lo be banjeme ba keme ge fee ki bo ge be Nyo ge, nje banjeme bayu le bo ge bamii chée nyume kinche ki Nyo goone ge bo gene yu fwe.

¹⁷ Ban'yege baboo bayu jade bo nyume nje nfu wu jii ye yi muh wu yaade wu gene. Ngoo yi bamii ba ye yi n'yege wuyu wune le Amenayu be Filitu.

18 Bo le bo chinε wa je yĩ nchiεεη le no bo lεme lε mbu wu yi kwe le, le wu jo wa kijusε. Bo doo bo gee noo, bo chεηε bε mbεmε wu bamii bamu.

19 Geenε, kichi kĩ lese Nyo le ki tεεme, ki lεme gεh fo. Kichi kinε Nyo le wu san njinε yu we lε, “Tada kee bamii ba le be”, bε lε, “Muh wuchii wù bεεne jee chi Tada, wu kεme ki wu chinε gee χĩ befe le.”

20 Mwεε mu yeh yi muh wù baan le gε to nyume gεh shù bε ηkáa mo mun̄koo mù ba ken̄yi bε kichwa ki bige kĩ yεede kenε kĩ baan gε. Mumu to mu nyume tε mù ba ken̄yi bε bite mo mù ba ken̄yi bε nshεη yĩ chimε. Mwεε munε mumu to mu nyume mù kεme lεme χĩ kuge, mumu nyume mù kεme gεh lo lεme χĩ nchε.

21 Noo, muh nε le wu bvusε chiaaη ye fε mwεε mù achiji le, tu wu le wa n̄ε fiεε fi yeh fi tan̄lo ba jo ba gee lεme χĩ kuge yu. Wu le muh wù Nyo le wu ge lε wu nyume muh we. Wu le wa muh wù chiεεne lo chiji kikwεε ke lε wu jòde wu gēe lεme che χĩ jonε mo χĩ la yu.

22 Noo, wo lēgε lo fiuη mwεε mù fεde ye yufe kin̄ghaη. Wo mōne fiuη ki wo chēe kinche nyume kĩ chaaη bε ki wo kēme mbεmε mo kin̄koηε bε kinche kĩ nyiεgee. Wo gēe noo gεh no bamii ba tεηε tε jee chi Tada bε muntele muboo mu yuude gee.

23 Keefε wo kēme lo fiεε ki wo gē bε bambejε ba kiyuη bε ba achiji gε, n̄ε bo to bo too gεh nyu bε waa.

24 Gε muh wù lεme wu Tada kεme ki wu wāade bε bamii gε. Wu kεme ki wu kēme gεh nyu fitele fi jonε fε muh le wuchii, wu nyume muh wù kee ki wu yēyi bamii, wu kee tε ki wu kāane shēη bε bamii.

²⁵ Wu to wu naji fiεε nyiεgee bε bamii ba tεenyi bε wu. Wu to wu naji noo bε ηkwajε lε tanlo Nyo fi bo, bo kúσε muntele muboo bo kεε fiεε fi nchiεεη,

²⁶ bo mo bo têεη bvufee bvuboo jin, bo lêγε bo bú a kintase ki debele kǐ wu le wu koo bo yo lε bo gêe gεh nyume fiεε fi wu koηe.

3

Mwεε mù kuufe ye lé mu gē mu kôoshi aju a fεkimεε le

¹ Wo kêe lε, lé tô nyûme aju a kimεε le, mwεε mù tεεme lé mu kôoshi weseε.

² Bamii lé bo já bo kôηe wa nyume bikwεε biboo, bo koηe bige, bo chiaase ye, bo ηage, bo jεme jé yǐ befe kune bamii bamu. Gε bo baan bo yûge babwee baboo le bε bachiji baboo le gε, gε bo nyu bo nyâa lo kiyone yi fiεε le gε, gε bo nyu bo kême gee χǐ yuude gε.

³ Gε bo nyu bo kême yii fε bamii le gε, gε bo nyu bo lêεshi tε bajiale ba bamii lε gε. Bo chεηe bε ajee a bamii, bo jiji gε ye yiboo le gε. Bo keme nyu gee χǐ kuufe ye, bo koηe gε fiεε fi joηe gε.

⁴ Bo lé bo kâde munaη bamii le, bo chee kinche kǐ nche nche, bo yisε bε kinchiaase ye. Bo lé bo kôηe ki bo jii gεh nyume bikwεε biboo fede ki bo koηe Nyo.

⁵ Bo lé bo dûunyi lε bo lεme yi fiεε fi Nyo le, geenε bo ka faηe bvunga bvu fiεε fi Nyo fiyu. Wo lêge lo kfuu χi bobaa bamii.

⁶ Bamii banε bamu jiεnyi bo lese yéh yi bamii le bo shiide a we a bikεse ba wεεyi, ba bimbefε biboo nyu bi yigε wa bo, bo tu bo njiine bo bii nyume kinkoηe ki mwεε le yeye yeye.

⁷ Bo banε bikεse le ba to bo she bo yege n'yeyε segechii, geenε tanlo bo γε yu bo kεε fiεε fi le nchiεεη γε.

⁸ No Jani bε Jamblε gè tεenyi bε Musε, le gεh yεεηyεεη no bamii banε tεenyi nchiεεη wu Nyo. Le bamii ba bvufee bvuboo le bvu fiise wa, fitele fi bo jεme lε bo le bo leesε yi Kletu le nyu chimbianj.

⁹ Geenε γε bo nyume bo ge noo gεεη bu je yĩ ndefe le γε, nje kiyun kiboo lé ki bú tε ki chũnyε waan fε bamii le bachii, gεh no ki Jani bε Jamblε gè bu.

Bol teefε Timoti lε wu lême gεh yi fiεε fi bo yeyi wu yu le

¹⁰ Timoti, wo le fiun wo kee wa kune n'yeyε wan bε kinche kan mo fiεε fi ηgoone. Wo kee tε kune fitele fi nlese yi Nyo le bε shén yĩ nto ηkaane, mo kinkonε kĩ ηkεme fε bamii le, bε no nto mone yi fiεε le fichii ηgeene fwe.

¹¹ Wo kee tε bikaa bĩ bamii gè boone a mε jin mo banγε banj. Wo kee mwεε mù gè kooshe bε mε Antiok bε Ikoniun mo Lista. Wo kee kfuu chi bikaa bĩ bamii gè boone a mε jin. Geenε yi banγε banε le bachii Tada gè fi mε.

¹² Fi le nchiεεη lε muh wuchii wù goone ki wu chée kinche ki Nyo goone nje muh wu le wù taashe wa bε Kletu Jiso le ba nyume ba bōone bikaa a wu jin.

¹³ Bamii ba ghεge mwεε bε bamii ba lεede bamu, gee chiboo le chi foo chi gεene lo, no bo lεede bε bamii bamu bo lεede tε bε bikwεε biboo.

¹⁴ Geenε, fε wo le, wo lême gεh nyu yi fiεε fi ba le ba yeyε wo yu, wo bεεη bε fitele fiun fichii. Wo lême yi fi le nje wo kee bamii ba gè yeyε wo yu.

¹⁵ Wo gè kɛ wo kee mweɛ mù ba saɲ a Nwa wu Nyo le wo baan mwa wù shige. Mweɛ munɛ tanlo mu téeɛ wo, wo tô wo kême mbvuse yi fitele fi wo leese yi Kletu Jiso le.

¹⁶ Fiɛɛ fichii fi ba saɲ a Nwa wu Nyo le, le bvufɛe bvuyu ja fɛ Nyo le. Fi fii ki fi yêyɛ bamii, fi chûunyi bajiale, fi nâji bamii, fi yeyi bamii bɛ kinche kî chaan,

¹⁷ wu lɛ muh wù le muh wu Nyo nyûme muh wù kojɛ, wù keme fiɛɛ fichii ki wu gêe lɛme chî jonɛ yu chichii.

4

Bol teefɛ Timoti lɛ wu gêe lɛme che chuule

¹ Njɛme finɛ wo le, a Nyo fwe bɛ Kletu Jiso wu lé wu sâ bamii ba baan yu bɛ ba kweeyɛ wa. Njɛme nɛ nje mbunɛ we wù wu lé wu yû wu tô wu bûnɛ mo bvunfonɲ bwe njɛme lɛ,

² wo fêejɪ jɛ yi Nyo. Wo fêejɪ gɛh wo gɛɛne yu fwe, kɛnɛ nyume kife ki kojɛ le kɛnɛ ki baan kojɛ gɛ le. Wo dûunyi bajiale ba bamii lɛ, wo naji bo, wo yufe muntele muboo bɛ nyiɛgee no n'yeyɛ wo le.

³ Wo kêe lɛ kife too lo ki bamii baan gɛ bo lême yi n'yeyɛ wù kooji le gɛ. Bintunɲ biboo lé bi gɛ bi fûu ki bi yûge wa nyu fiɛɛ fimi yeye. Bo mo bo gôonɲ bamii ba n'yeyɛ, bo le bo le, ba le bo yêyi wa nyu fiɛɛ fi bo konɛ ki bo yûge.

⁴ Bo lé bo chinɛ ki bo yûge nyume fiɛɛ fi nchiɛɲ le, bo shêɲɛ bo gêɛne gɛh nyume a mumaɲa mu achiji le.

⁵ Geenɛ, fɛ wo le, wo lêese kikwɛɛ kunɲ chaan segechii, wo kâane shén yi banɲɛ le, wo gêe lɛme

chi muh wu jiɛnyi lo wu feeji je yi Nyo. Wo gêe lɛme chun chichii chi ba le ba nya chiaaŋ yo le.

⁶ Fɛ mɛne, nle wa mɛɛse nje mbvuun, kife koje ka ki ba lé ba jô mɛ ba gê nje no ba to ba jo mbvuun ba fu. Kife ki nle ɲkwɛɛ le ki koje ka.

⁷ Nle n'ju wa bvujɔ bvɔ jonɛ yi fiɛɛ fi Nyo le, nlege kinlege mɛɛɛ, ɲijje mbɛmɛ waŋ le mɛ gɛh yu.

⁸ Kɛge yi mɛɛse le ba gɛɛ wa kifo kaŋ ki bvunfon ki le ki kinche kɪ chaan. Kifo kinɛ le ki Tada wu le muh wu sage bansa chaan, le wu wu lé wu bôon ki a mɛ fwa yi juu chi kimɛɛ le. Gɛ wu nyume wu boon gɛh nyume kaŋ maa gɛ. Wu lé wu bôon tɛ bi bamii bachii ba chieɛne bo koŋe le wu kâase wu tô.

Bol sɛɛŋ no mwɛɛ le a kimbe ke le

⁹ Timoti, môon chuule ki wo yâŋsɛ wo tô chige fɛ mɛne.

¹⁰ Wo kêe le Dema le wu koŋ wa won wu mɛɛse kfunɛ, wu non mɛ wu gɛɛŋ Tɛsalonika. Klesɛŋ le wu gɛɛŋ Galɛshian, Taytu gɛɛŋ Dalmatia.

¹¹ Mɛ gɛh Luka wu maa wu le besa wu. Sege wo too, wo jo Maliku bena wu too. Tanlo wu fii mɛ baan yi lɛme le.

¹² Tichiku, nle ntun wu Efesu.

¹³ Sege wo too, wo jo kikun kaŋ kɪ baan ki ɲgɛ ɲgɛɛ a Kabu yeh a kilaantɛŋ ki Towa le. Wo tôo tɛ bɛ baŋwa baŋ, fede munchii mu ba fɛ bɛ je yi nyan.

¹⁴ Aleksanda wu sunɛ kilamɛ le wu ge ɲgɛ bɛ mɛ, nyume gɛ wu wɛɛ gɛ. Tada lé wu lânɛ wu yi gee che le.

¹⁵ Wo yêne tɛ bena wu. Wu tɛɛnyi baan kune saaka wu besabɛŋ feeji wunɛ le.

¹⁶ Yi juu chi fwe le yi nsa wan le, chi nge nto nleɛɛn yi tɛɛɛ chi nsa le, muh gɛ baan leɛɛn gɛ a mɛ jin gɛ. Bamii bachii gɛ bee bo legɛ lo mɛ. Keefɛ Nyo sá bo yi fi fiɛɛ le gɛ.

¹⁷ Geenɛ, Tada gɛ leɛɛn a mɛ jin, wu nya mɛ bɛ bvunɔa ki nfeɛ saaka wù jone chuule wu le bamii bachii ba le gɛ Bajuu gɛ yu saaka wuyu. Noo, wu gɛ be wu bvuse mɛ jwe wu bvule le.

¹⁸ Tada lé wu bvúuse gɛh mɛ chiaan yi fiɛɛ fi befe le fichii, wu lé wu yú wu tô wu lêese mɛ bvunfon bwe bvú fɛwe le yi nyiengee le. Besaben bɛenɛse wu segechii bee luu gɛ. Fi nyúme noo.

Ban'yɛɛ

¹⁹ Yêse Blisila bɛ Akwela le wo nya mɛne. Wo yêse tɛ yeh yi Onesifolu le.

²⁰ Elastu gɛ shɛɛ Kolen, Tofimu le nge nchine wu le Miletu wu chɛne.

²¹ Wo mon chuule ki wo tô fɛ nfun wu tɛɛme ge wu kɛ. Yubulu chiinɛse n'yɛɛ wo le. Buden bɛ Lenu mo Klawdia bɛ boon ba bwee wese besaben bachii yi Kletu le chiinɛse tɛ n'yɛɛ.

²² Nlege le Tada nyúme bɛ kiyo kun. Wu dûnye fitele fi jone fɛ ben le bachii.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337